

PATRIARCHATUS CONSTANTINOPOLITANI. 209

Epidamno, & aliis ad sinum Ionium locatis usque ad Cyrenem, & Lybies illius incolas, prope locum qui Borium vocatur, habitant, Imperiumque Romanum agnoscunt. Curiam item magnam, quam Senatum nominant, in ea constituit. Denique in omnibus rebus urbem illam suo nomine nuncupatam, Romæ quæ est in Italia parem studuit efficere: neque certè suus eum fefellit conatus. Nam virgula divina (quod ajunt) tantum crevit, ut tum frequentia hominum, tum pecuniæ & divitiarum abundantia Romam omnium consensu longè superaret. Cujus rei causam fuisse arbitror, partim pietatem tum conditoris, tum civitatis, partim incolarum erga egentes misericordiam & benignitatem. Etenim fides in Christum usque adeò in ea civitate profecta est, ut complures Iudei, Græci verò ferè omnes, ibi ad religionem Christianam conversi fuerint. Huc accedit, quod principatum Imperii adepta tempore, quo Christi religio longè latèque manare cæpit, postea neque aris, neque delubris Gentilium se contaminavit, præterquam solum dum regnaret Julianus: quo quidem tempore, licet ad exiguum tempus error Gentilium renovatus fuerit, statim tamen post restinctus est. Hanc igitur civitatem Constantinus suo appellatam nomine, & velut recens ad Christi honorem exstructam multis maximisque Ecclesiis exornavit.

Quemadmodum autem arx secunda Romani orbis fuit, ut Sexti Rufi verbis utar, ita etiam secunda Sedes Ecclesiæ facta est, ejusque Episcopus Patriarchalem honorem obtinuit. Quia ætate id ei honoris acciderit, alii aliter sentiunt, nec certo dici potest. Quidam Constantinum ipsum illud ei ab Ecclesia impetrasse arbitrantur, nec eorum sententia probabilibus argumentis carere mihi videtur, si de Patriarchico tantum honore, qualem Hierosolymitanus Episcopus primis quatuor seculis habuit, sermonem faciamus. Siquidem in omnibus hujus Sedis Patriarcharum Catalogis, quorum plures antiquos manuscriptos in Regia Bibliotheca reperimus, ¹ Metrophanes Constantinus Synchronus primus recensetur: qui etiam Archisacerdos primus magnusque civitatis Constantinopolis, in perantiquo Græco MS. ^b dicitur; nec non in Chronico Alexandrino ^c, ubi de Constantino Imperatore. ² At jura Patriarchæ tantum obtinuit in Concilio Constantinopolitano generali secundo, in quo præter secundum locum ei assignatum proxime post Romanum, ei Thracia pro diocesi concessa est, ut ex ejus Canone ^d constat, cujus verba sunt: *Constantinopolitanus Episcopus habeat honoris primatum post Romanum Episcopum, propterea quod urbs ipsa sit nova Roma.* Nec aliter hunc Canonem explicat Socrates ^e illud Concilium describens: Eodem, inquit, tempore (scilicet Theodosii) decretum fuit, ut Episcopus Constantinopolitanus primatum honoris post Episcopum Romanum propterea obtineret, quod illa civitas nova Roma esset appellata. ³ Non ait hunc Patriarchico honore primum tunc donatum fuisse, sed tantum secundum locum inter Patriarchas ei assignatum, quod longè diversum est; statimque subdit, quod dispartitis Provinciis Patriarchas constituunt: deciduntque, ut nullus Episcopus, relicta sua Diocesi, ad exterarum Ecclesiarum demigraret. Nam antea propter persecutionum tempestates istud facere cuiquam liberum erat. Neçario igitur ampla illa civitas Constantinopolis, ⁴ & tota Thracia sorte obvenit. Quis autem in his non advertit primordia hujusce Patriarchatus?

D d

NOTÆ LUCE HOLSTENII.

¹ Metrophanes Constantinus Synchronus] quia tunc Constantinopolis primum exædificata fuit à Constantino veteris Romæ æmula.
² At jura Patriarchæ tantum obtinuit &c.] Quintimo Concilio Constantinopolitano I. sub Theodosio majore Ecclesiæ & Episcopo Constantinopolitano prærogativam secundi honoris post Romanum tantum tribuerat, ut videre est in Canone ejus tertio. Jura autem ipsa, & exercitium Jurisdictionis in Thraciam, Asiam & Ponticam Dioceses, eorumque Primates constituit Concilium Chalcedonense, quod tamen jam ante invaserat, non contentus mero titulo honoris, quin etiam in to-

tum Illyricum manum extendere, & Sedi Romanæ subtrahere conatus fuerat tempore S. Bonifatii I. ut docent Acta Concilii Romani sub Bonifatio II.
³ Non ait hunc Patriarchico honore primum tunc Donatum fuisse] Imo simul uno eodemque tempore & honoris prærogativam, & sessionis prælationem accepit; nam vanum erat honorem, vel potius honoris umbram sine loco assignare.
⁴ Et tota Thracia sorte obvenit] Hoc Interpret Anglus de sua adjecit.

VI.

QUANDO INSTITUTUS PATRIARCHATUS CONSTANTINOPOLITANUS a Sexto Rufus in Breviar.

Ex Catal. MS. antiq. Patriarch. C. P.

Πατριάρχης Κωνσταντινουπόλεως. Αρχιεπίσκοπος πρώτης εσχης ἐν πόλει μέγας ἄρχιεπίσκοπος ἀντὶ τοῦ Μετροφάνη.

c Chron. Alex. Ind. I. Const. VIII.

Τῆς ἐν τῇ Βύζαντι ἐκκλησίας ἡγεῖται πρῶτος Μητροφάνης ἐτι.

d Conc. Constantin. 2. Can.

e Socr. Hist. Eccl. lib. 1. c. 8.

Τότε δὴ καὶ ὅρου ἐκφέρσιν, ὡς τὸν Κωνσταντίνου πόλεως ἐπίσκοπον τὰ πρεσβεῖα ἔχειν τῆς τιμῆς μετὰ τὸν Ρώμης ἐπίσκοπον, διὰ τὸ εἶναι αὐτὴν νέαν Ρώμην.

f Socrates ibid.

Καὶ ἡλιοῦται Νεκταρίου μὲν τὴν μεγαλόπολιν καὶ τὴν Θράκην.